



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-1-40-267-4/23**

Datum: **25.08.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica JP Autoceste Federacije BiH d.o.o. Mostar, za donošenje rješenja o prethodnoj vodnoj saglasnosti za formiranje trajne deponije inertnog materijala iz iskopa na dionici autoceste Putnikovo Brdo - Medakovo, lokacija 3 i 4, općina Tešanj, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

Odbija se zahtjev pravnog lica JP Autoceste Federacije BiH d.o.o. Mostar za izdavanje prethodne vodne saglasnosti za formiranje trajne deponije inertnog materijala iz iskopa na dionici autoceste Putnikovo Brdo - Medakovo, lokacija 3 i 4, Općina Tešanj, kao neosnovan.

Obrazloženje

Dana 29.06.2023. godine, pravno lice JP Autoceste Federacije BiH d.o.o. Mostar, zatražilo je od ove Agencije izdavanje prethodne vodne saglasnosti za aktivnost formiranja trajne deponije inertnog materijala iz iskopa na dionici autoceste Putnikovo Brdo - Medakovo, lokacija 3 i 4, na zemljištu označenom kao k.č. broj: 1491, 1492, 1493, 1494, 1520, 1483, 1482, 1495, 1496/2, 1496/1, 1481, 1496/3, 1497/2, 1497/1, 1498/2, 1504, 1505, 1506, 1523 K.O. Piljužići, k.č. 1125, dio 1926, 1925/1, 1124, 1125/2, 1116, 1925/7, 1114, 1115, 1121/5, 1123/2, 1123/1, 1122 K.O. Jelah i k.č. 516, 1093/1 K.O. Bobare, Općina Tešanj.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- Studija za dobivanje prethodne vodne saglasnosti za formiranje odlagališta inertnog materijala iz iskopa na dionici autoceste Putnikovo Brdo – Medakovo, lokacija 3 (Piljužići) i 4 (Jelah), knjiga J 1040-1, urađena od strane Ipsa Institut d.o.o. Sarajevo;
- Zemljišnoknjižni izvadak, zemljišnoknjižni uložak broj: 179, 536, 467, 323, 255, 26, 34, 521, 147, 290, 503, 26, 179, 266, 456, 255, 378 K.O. SP_PILJUŽIĆI; 193 K.O. SP_ORAŠ PLANJE; 639 K.O. SP_TEŠANJ; 5043 K.O. JELAH; 315, 29, 66 K.O. SP_MRKOTIĆ; 2 K.O. ROSULJE (kopija);
- Posjedovni list broj: 184, 3319, 2975, 237, 3319, 245, 130, 1235, 765, 1289, 208, 508, 124, 1074, 203, 563, 1148, 220, 1289, 123, 86 i 361, izdato od strane Službe za katastar, urbanizam i imovinsko-pravne poslove, Općina Tešanj (kopija),
- Mišljenje broj: 06-19-7-1222/23 od 19.03.2023. godine, (koje se odnosi na usklađenost planiranih aktivnosti sa dokumentima prostornog uređenja), Služba za katastar, urbanizam i imovinsko-pravne poslove, Općina Tešanj,
- Dokaz o uplaćenju upravnoj taksi u iznosu 80,00KM.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska dopisom broj: UP-1/21-1-40-267-2/23 od 03.08.2023. godine u kojem je zatraženo od podnosioca zahtjeva da isti upotpuni u roku od 10 (deset) dana od dana urednog prijema dostavljene obavijesti. Zahtjevom za dopunu podneska je zatraženo da se pored opšte dokumentacije sa obrasca zahtjeva isti dopuni i Mišljenje o usklađenosti planiranih aktivnosti sa dokumentima prostornog uređenja, izdato od strane organa uprave nadležnog za prostorno planiranje. Uz zahtjev dostavljeno „Mišljenje o usklađenosti planiranih aktivnosti sa dokumentima

prostornog uređenja", broj: 06-19-7-1222/23 od 19.03.2023. godine, izdato od strane Službe za katastar, urbanizam i imovinsko-pravne poslove Općine Tešanj, nije sadržavalo mišljenje da li je predmetna aktivnost usklađena sa prostorno planskom dokumentacijom. U dostavljenom mišljenju, između ostalog, u tački 2. i 4. navedeno je slijedeće:

- da se prema izvodu iz prostornog plana općine Tešanj - Infrastruktura – Hidrotehnika predmetne parcele nalaze unutar plavnih površina, unutar obuhvata zone zaštite pitkih i mineralnih voda 2., kao i da je u blizini predmetnog lokaliteta na rijeci Usori planirana brana (HE Jelah).
- da se „predmetni lokalitet ne nalazi u obuhvatu neke od zaštitnih zona izvorišta za koje su donesene Odluke o zaštitnim zonama a nakon stupanja na snagu Prostornog plana općine Tešanj“.

Dana 18.08.2023. godine, predstavnik Investitora je putem e-maila dostavio dio tražene dokumentacije na uvid, uz konstataciju da će se tražena dopuna dostaviti zvanično, o čemu je sačinjena i službena zabilješka broj: UP-1/21-1-40-267-3/23 od 24.08.2023. godine.

U dostavljenoj dopuni podneska, dostavljen je i preostali dio Mišljenja broj: 06-19-7-1222/23 od 19.03.2023. godine u kome je navedeno da predmetnom lokalitetu nisu rezervisane površine za neke određene namjene, osim planirane HE Jelah na rijeci Usori istočno od predmetnog lokaliteta, te ukoliko se obezbijede saglasnosti nadležnih institucija nema smetnji da se navedeni prostor koristi u predmetne svrhe.

Tokom ispitnog postupka i utvrđivanja činjenica bitnih za odlučivanje u postupku donošenja prethodne vodne saglasnosti izvršen je uvid u informacioni sistem voda AVP Sava (ISV) i Rješenja o određivanju granice vodnog dobra uz rijeku Usoru na predmetnom području, koja je donijelo Federalno ministarstvo poljoprivrede, vodoprivrede i šumarstva i Elaborate o određivanju granice vodnog dobra uz rijeku Usoru na području Federacije BiH, koji su sastavni dio spomenutog rješenja. Tom prilikom je utvrđeno da se predmetni lokalitet dijelom nalazi unutar granica vodnog dobra. Također, uvidom u informacioni sistem voda AVP Sava (ISV) i dostavljenju Studiju utvrđeno je da se predmetne zemljišne čestice na kojima je planirana deponija materijala nalaze unutar linije dopiranja velikih voda rijeke Usore ranga pojave jednom u sto godina.

Dostavljenom Studijom je predloženo da se izvrši uređenja korita rijeke Usore uz lokalitet planirane deponije 3 i 4 kako bi se stvorili uslovi za deponovanje materijala izvan vodnog dobra i poplavnog područja.

Detaljnou analizom konturnih uvjeta i koncepta rješenja zaštite od štetnog djelovanja voda rijeke Usore na predmetnom području je utvrđeno da nije moguće parcijalno rješavati uređenje korita rijeke Usore na predmetnoj dionici. Slijedom navedenog može se konstatovati da bi se i nakon planiranih radova na uređenju korita rijeke Usore u sklopu projekta deponija, predmetne lokacije deponije i dalje nalazile u poplavnom području te da jedino integralno rješenje i realizacija radova na zaštitnim objektima u većem obimu od onog koje je obuhvaćeno dostavljenom Studijom obezbjeđuje uslov da se predmetni lokalitet neće nalaziti u plavnom području.

Imajući u vidu navedeno, predmetne zemljišne čestice podliježu zabranama u korištenju prostora obuhvaćenih članom 96. stav (1) ZOV-a, tačnije, na poplavnom području su izričito zabranjene sve aktivnosti koje mogu za vrijeme poplava imati štetan uticaj na vode, vodno dobro, priobalno zemljište i zaštitne objekte, a naročito, prema tački 14. istog člana, odlagati – deponovati bilo kakav materijal koji ne služe odbrani od poplava i koji sprečava prilaz vodotoku na udaljenosti manjoj od 10m od linije dopiranja velikih stogodišnjih voda.

Također, u skladu sa odredbama člana 12. ZOV-a na vodnom dobru je zabranjeno izvoditi zahvate osim onih kojih su navedeni u ovom članu u koji ne spada aktivnost trajnog formiranja deponija.

Na osnovu utvrđenih činjenica u skladu sa članom 139. stav 1. Zakona o vodama («Službene novine Federacije BiH», broj 70/06) i članom 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- JP Autoceste FBiH, Adema Buća 20, 88000 Mostar
- ⊖ AVP Sava, ISV - Vodna knjiga
- Sektor 40, arhiva
- AVP Sava - Oglasna ploča